

NotatDato: 23.04.2015
Arkivsak: 2014/558-131
Saksbehandlar: ingtakl

Til: Rådet for menneske med nedsett funksjonsevne

Frå: Kjell Søvik, Tore Svane, Harald Norheim**Utkast til årsmelding 2014 for rådet for menneske med nedsett funksjonsevne**

Årsmelding 2014 for Rådet for menneske med nedsett funksjonsevne (RMNF)

RMNF har i 2014 handsama 52 vedtakssaker. Mange av dei er rutinesaker, ein del høyringar, fleire synfaringar, temadagen "Grenselaus kultur", og den årlege fellessamlinga for alle fylkesråda i Noreg. (bilde av Amalie Skram)

Ei av dei viktigaste og mest positive sakene for rådet i 2014, er Amalie Skram vidaregåande skule. Saka starta i førre rådsperiode, og rådet var aktivt med i planarbeidet. Først eit arbeidsmøte med arkitektane der ein hadde fokus på tilgjenge, og seinare eit liknande møte der ein tok for seg andre forhold ved Universell utforming, hørsel, syn, akustikk, ventilasjon osv. Både det fylkeskommunale rådet og rådet i Bergen deltok i begge møta, og kom med konstruktive kommentarer som arkitektane tok med i det vidare arbeidet. Dette gjaldt både skuledelen og svømmeanlegget. 29. oktober var begge råda på synfaring på Amalie Skram vidaregåande, og det var ein positiv opplevelse å sjå at forslaga til endringar som råda hadde, no var gjennomført. Denne sakshandsaminga viser kor viktig det er at rådet kjem inn på planstadiet, og kor viktig det er at arkitektane har god forståelse for universell utforming, og at dei tar RMNF på alvor.

Ei anna og viktig sak i 2014 var Voss vidaregåande skule. Der kom ikkje rådet inn før forprosjektet var ferdig, og fristen for uttale var så kort, at ein måtte ha eit ekstramøte for å få komma med uttale. Det meste var bra i planane, men rådet peika på eit forhold i kantina. Der hadde arkitektane laga til som eit amfi med tre nivå. Rørlehemma hadde tilgjenge til nivå 1 og 2, men ikkje til nivå 3. Rådet peika på at dette er sosialt ekskluderande, men arkitektane var ikkje villig til å endra planane. Kantina er derfor ikkje universelt utforma. Sidan rådet ikkje har sanksjonsmuligheter, kan ein ikkje få gjort meir med den saka.

Rådet har elles vore på synfaringar både på tannklinikkar og skular som er rehabilitert, eller er under rehabilitering, og levert rapport tilbake til bygg- og eigedomsavdelinga. Her har ein ein svært god dialog, og rådet blir tatt på alvor.

RMNF har dei siste åra fått ein god dialog med Skyss, og har jevnlege møter med representantar frå dei. Justeringa av kriteriene for TT-ordninga er også ei sak rådet har jobba for, og rådet er nøgd med dei endringane som er gjort.

Siste året har rådet også hatt større fokus på kultur, både tilgjenge til lokalet, men kanskje mest til opplevelsen for publikum. Ei ros til kulturavdelinga i fylket og til Den Nasjonale Scene for nytenking når det gjeld å få formidla kulturen til nye publikumsgrupper.

På forespørsel frå KURE var rådet på synfaring på Cornerteateret 10.01.14. Bakgrunnen var ei tildeling på kr 500000,- og KURE ville stilla betingelsar om universell utforming før utbetaling. Ei fylldig rapport er å finna i møtereferat for rådet frå 10.01.14. Her vart rådet stilt i eit dilemma, for søknad og løyve var etter dei gamle forskriftene Tek-07, der krava til universell utforming er ein del svakare enn etter Tek-10. Bygget er kun tilgjengeleg i 1. etasje.

(Medlemmer i rådet i 2014)

Mandat for RMNF finn ein på rådet si nettside.